



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. AAA. R. M. Daniae Commissariorum responsio, ad R. M. Sueciae
Legatorum & Plenipotentiariorum Commissariorum Projectum, concernens
Suecorum Societatem Africanam privilegiam.

urn:nbn:de:hbz:466:1-10534

exigant, exercitum nostrum jam in acie stare, ac impedire, ne hostes nostri insignes rei bene gerendæ occasiones Nobis præripiant : Persuaseramus Nobis etiam, quemadmodum & nunc eadem spe sustentamur, futurum, ut siquidem tam pauca puncta peragenda restent, V. M. similiter eadem haut gravatim perficiat, & ad optatum exitum perducatur. Nos mandata nostra ad prædictos Commissarios nostros ita moderati sumus, quemadmodum ipsum jus & æquitas postulant, & inter Nos ac Regna Nostra nuper inita pax permittere poterit : In firmam spem ut amicum ac Vicinum decet ingredientes, Maiest. Vestr. se in hoc ipso taliter declaraturam, quò negotium isthoc quamprimum conficiatur, & una cum pacis executione illam securitatem Nobis asseramus, quam per Tractatus istos unice quæsimus. Hinc simul atque Recessus subscriptus & ratihabitus fuerit, ne momentum quidem præterlabi patiemur, quin exercitum nostrum moveamus, & hinc discedere jubeamus. De cætero quicquid vel ipsimet vel per Deputatos Nostros Mai. Vest. supra memorato Legato aperiri fecimus, nulli dubitamus, quin non tecus ac Spartam à Maiestate Vestra ipsi commissam egregie exornavit, eadem fide ac candore Mai. Vestræ quæ ipsi heic significavimus enarraturus sit. Id quod ita futurum esse confidimus, Mai. V. interea tutelæ divinæ cum voto omnis prosperitatis ut amicum ac vicinum par est, ex animo commendantes, Gottorpîi d. 8. Julii Anno 1658.

Lit. A A A,

R. M. Daniæ Commissariorum responsio, ad R. M. Sueciæ Legatorum & Plenipotentiariorum Commissariorum Projectum, concernens Suecorum Societatem Africanam privilegiatam.

Exhibitum à Danis per Dn. Legatum Gallicum d. 7. Julii Anno 1658. Hass.

Quandoquidem extra controversiam positum est, Suecorum Societati Africanæ privilegiatæ proprium Castellum Capo-Cors, una cum navibus non procul illinc remota & mercibus onusta, cui nomen Arx Stockholmensis, & præterea alia Munimenta ac domus mercatorias in littoribus Guinæ, ab Henrico Carloffio, qui non nudam & generalem tantum, ut cæteri sub commissione publica prædantes, Commissionem à S. R. M. Daniæ obtinuit, sed specialia & expressa mandata ad expeditionem istam accepit, flagrantem inter Daniæ ac Sueciæ bello, scilicet elapsa nuper d. 26. Jan. occupata & armate manu expugnata esse; utique cum ratione vel æquitate negari nequit, dictum Castellum, Munimenta, Domus Mer-

R 2

cato-

catorias, naves, una cum omnibus mobilibus ibidem repertis, S. R. M. Regnoque Daniæ non eodem jure belli, similique dominio competere, quo S. R. M. Sueciæ heic in Dania durante bello expugnata munimenta, & prævia regionum occupatione, in portibus captas & repertas naves sibi afferuit; præprimis verò navem bellicam Delmenhorst dictam, quæ dum Sialandia occupabatur, in portu non procul Corföra consistebat. Quemadmodum itaque S. R. M. Regnumque Sueciæ, mediante Transactione Roschildensi ingentem satisfactionem sibi impetravit & obtinuit pro occupatarum provinciarum, & in iis sitorum Munimentorum restitutione, ut & in compensationem damni & expensarum; ejusdem verò Transactionis articulus 14. perspicuis verbis continet, loca munita ab utraque parte, tam quæ belli tempore fuerunt expugnata, quam quæ per Transactionem ceduntur, nuda & sine tormentis, apparatu bellico ac comœatu tradi debere; Sic S. R. M. Daniæ spondet, prædicta in littoribus Guineæ belli tempore expugnata Castellum, Munimenta & domus mercatorias, juxta tenorem istius articuli plenariè & omnibus modis restituere. Nam alitè memorata S. R. M. Daniæ neque videt neque animadvertit, qua ratione pro istis, vi pactorum, alia satisfactio postulari possit, quam secundum supra dictum 14. articulum Transactionis Roschildensis, quippe qui unicè & solus de modo tradendi invicem munita loca agit, scilicet illa restituenda tormentis vacua: multo minus quibus rationibus ac fundamentis iste casus applicari queat, (velut S. R. M. Sueciæ Legati & Plenipotentiarii Commissarii in Proiecto suo innuunt) ad articulum XI. sæpe nominatæ pacificationis Roschildensis, cujus verba formalia hæc sunt: Similiter mutuo conventum est, quod omnes illæ prædæ, quæ per concessas Commissiones quidem potuerunt capi, sed ante pacificationem Tostrupiensem in portus deductæ non sunt, veteris Dominis ac Proprietariis restituendæ veniant. Quod si namque per prædas in portum non deductas intelligere velint mobilia, quæ in Castello & appertinentibus Munimentis repertas sunt, ut & navem arcem Stockholmensis dictam, una cum onere, non procul Castello in anchoris consistentem, utique negare non poterunt, quin revera deducta sint, quandoquidem loca in quæ deducebantur, & ubi consistebant, ad S. R. M. Regnumque Daniæ, ut superius dictum, jure belli pertinebant, & armata manu, aperto durante bello, occupata erant. Si verò dicatur, per non deductas prædas intelligi debere expugnata Castellum & Munimenta, utique tam absurdum quam impossibile est, Castellum, Munimenta, & solum cui inædificata sunt, deduci & de uno in alium locum transferri posse. Quod denique concernit realem assècuracionem & hypothecam in certas quasdam terras, quam Legati in laudato Proiecto suo postulant, donec S. R. M. Sueciæ, vel ejus subditis, Societati

Sue-

Suecorum Africanæ plenaria satisfactio ac restitutio præstetur: S. R. M. Daniæ nullatenus sibi persuadet, plures à se provincias, quocunque demum modo id fieri queat, postulandas, quam jam dum factum est. Et si quidem isthac S. R. M. Daniæ oblatione & promptitudine amico & vicino verè consentanea, quaque Transactioni Roschildensi ad superabundantiam usque satisfactio præstita est, præter omnem spem acquiescere nolit, aliè memorata S. R. M. Daniæ negotium hoc, juxta normam in Tractatibus Stetinensibus præscriptam, libenter ad arbitros remittit.

Lit. BBB.

Commissariorum Danicorum Projectum in causa Guineensi, Exhibitum d. 17. Jul. Anno 1658.

Promissum etiam ac mutuo constitutum est, ut Sac. Reg. Majest. Regnumque Daniæ, S. R. M. Regnoque Sueciæ, ut & privilegiatæ Suecorum Societati Africanæ restituat omne illud, quod Henricus Carlossius & ipsius complices, per S. R. M. Daniæ concessam Commissionem tam in alto mari & navium statione, quam in terra & littoribus Guineæ abstulere, ita quidem ut S. R. M. Regnumque Daniæ, sine ulla tergiversatione, quam citissimè id fieri poterit, supra memoratæ Societati Africanæ restitui faciat omne id, quod in Albi fluvio non procul Glückstadio nunc reperitur ex iis rebus, quas Henricus Carlossius nuper secum ex Guinea attulit, & S. R. M. Sueciæ subdici eripuit. De his autem & reliquis omnibus quæ statim restitui nequeunt, sive sit expugnatum Castellum Capo. Cors, vel alia Suecorum Munimenta ac domus mercatoriæ in littoribus Guineæ, cum ibidem existentibus tormentis bellicis tam æneis quam ferreis, aliisque bonis mobilibus, quo nomine demum venire queant, quæ vel ibi invenientur, vel à membris Societatis Africanæ sufficienter probari poterunt ablata esse, taliter ac in hunc modum invicem convenit & approbatum est, ut ista omnia certa pecuniæ summa æstimentur, quam S. R. M. Regnumque Daniæ Societati Suecorum Africanæ modo jam sequenti numerare tenebitur: Scilicet ut omne id quod statim Glückstadii restituitur, sive sit navis ipsa Arx Stockholmensis, aut quas continet merces, habitatione jussi pretii & æquæ æstimationis, prædictæ summæ detrahatur & decurtetur: similiter quicquid in Guinea restitui potest, sive sit Castellum Capo. Cors cum pertinentibus Munimentis ac Domibus mercatoriis, sive alia mobilia ac merces, quæ ibi invenientur, dictæ summæ decurtabitur, & quidem pro Castello & pertinentibus Munimentis ac Domibus mercatoriis nummâ Imperialium, pro bonis verò mobilibus ac mercibus tantundem, quanti æqua æstimatione venire poterunt. Quod si

R. 33

autem.